

Aniverser 101 ani Circolo - Lia Mostra d'Ert

“I proscimi 100 ani” - manifestazion de ert y cultura

Chi de Gherdëina ne cunësc pa nia l Circolo? Cun si storia de urmei 101 ani, tol la Lia Mostra d'Ert ite na pusizion zentrela tl ciamp dl ert y dla cultura dl luech. Chësta istituzion culturela che ie nasciuda tl 1920 possa cunté su na storia longia cun milesc y milesc de manifestazions sperimenteles sburdledes inant n gran pert da n idealism per l ert de si tēmp. L Circolo – Lia Mostra d'Ert à te chësc cēntené de vita partì stories y persunajes desfrentes, zēnza schivé cunflic cun l'autoritieies y cun la populazion. Te chësc zēnter per l ert ti iel daniëura stat dat la lerch à pensieres inuativs y radicaì cun la ulentà de svilupé y modernisé la sozietà de nosta cuntreda. La Lia Mostra d'Ert se à daniëura adatà al bujēn atuel, se mudan cun uni cunsēi nuef y purtan i zitadins de Gherdëina n var inant, ti giaurian la porta ora per l mond. L Circolo ie stat determinēnt per i mudamēnc tl luech de Urtijēi, dajan tres la storia n cuntribut culturel y sustenian la junēza dl post te si vijions dl ert. La Lia à mantenì si caracter nchina ncuei cundì y cēla for mo dereviers de n daunì cun uedli frēsc, per pudēi nscila ti dé inant l impuls ala generazions che à mo da unì.

Per se abiné adum danter la generazions desfrentes che à cunlaurà a fé ora dl Circolo chël ciche l ie aldidancuei, se on pensà ora n prugram desvalif danter prejentazions de ert, workshops, referac, performances de ert y mujiga. L prugram ie partì su te trei dis; da juebia ai 02.09. a sada ai 04.09. on metù ju n prugram de manifestazions che cēla de viers de l daunì. Te nosc mond aldidancuei for plu y plu digitel, ie l duvier dl ert tla sozietà mudà y la va de cialé ciun ciamps che l ert nfluesc sēuraprò. Cun l titul dla manifestazion “I proscimi 100 ani” ulessan mustré su, che l ert ne jirà mei perdù, ma coche bele da for tla storia se adatea enc aldidancuei l ert ai mesums y debujēnns de nosc tēmp.

L prugram cuer manifestazions te duta trei la rujenedes dla valeda. L bel mescedoz danter prejentazions de jēnt de nosc luech y autres che vēn adalerch da plu dalonc ie de mpurtanza pervia de n barat nteressant danter minonghes desfrentes. I referenc y artis'c se desmostra de auta cualità y profesciunalità y speron che l sibe de arichimēnt spirituel per chēi che vēn a cialé pro.

Per l cunsēi dla Lia Mostra d'Ert iel n gran unēur a pudēi festejé i 101 ani de vita dla Lia Mostra d'Ert.

- 25.08.2021 - 27.08.2021 curs de "proietazion y stampa 3D"
- 01 - 06.09 2021 Mostra di placac dal archiv dl Circolo

Juebia 02.09.2021 Self dla mostres


- dala 15.00 Prejëntazion di lëures dl curs 3D
- dala 18.00 Prejëntazion dl liber "100 ani Circolo"
- dala 20.30 Sëira de referat cun Andrea Baffoni "La percezione del futuro - Cento anni di avanguardia dalla nascita dei robot all'epopea del mutante" + descuscion

Vendërdì 03.09.2021 Self dla mostres

- dala 10.00 Workshop de stampa cun linoleum
- dala 15.00 Prejëntazion di lëures dl Symposium 2020
- dala 18.00 Prejëntazion dl liber "Sté ert"
- dala 20.30 Sëira de referat cun Jerome Becker, Matthias Moroder "MAGAZIN. Ausstellungsraum für zeitgenössische Architektur" + descuscion

Sada 04.09.2021 Self dla mostres

- dala 10.00 Workshop de collage
- **Pitla plaza S. Antone**
- dala 16.00 performance "Lijënda dl uriginn dl Circolo – Lia Mostra d'ert"
- dala 16.30 Marion Moroder, mujiga dal vif
- dala 17.30 Thomas Sterna "Wenn das Werk spricht, muss der Künstler schweigen" performance
- dala 18.00 Stefan Demetz y Ivan Schenk, mujiga dal vif
- dala 19.30 Julia Liedel "Der pinke Baum zeigt sich im Wasser" performance
- dala 20.00 Pëuflla, mujiga dal vif
- **Self dla mostres**
- dala 21.30 mujiga elentronica



Lia Mostra d'Ert - Circolo
 Plaza S. Antone 102
 I - 39046 Urtijëi (BZ)
 Tel. 377-5936350
 info@circolo.eu